

sum Christum den Sohn Gottes anschawen vnd fleissig glauben/ das vns Gott vmb dieses Mittelers willen gewislich gnedig sein will / vnd wil vns vmb desselben willen erhören vnd helfen ze. in diesem glauben vnd vertrauen auff den Mittler sol das Gebett zum warhafftigen Gott gerichtet seyn.

Von der Erschaffung aller Creaturen.

S sind viel höher Lehre begriffen im Articul von der erschaffung aller Creaturen / die in dieser kurzen Anleitung zuerzehlen zu lang ist. Dieses aber sollen die Leut oft erinnert werden / das die Erschaffung von allen dreuen Persohnen geschehen ist / vnd hat der ewige Vatter sambt dem ewigen Sohn vnd heiligen Geist alle andere ding Himmel vnd Erden / Engel vnd Menschen vnd alle andere Creaturen ungezwungen freywillig auß nichts erschaffen. Denn der ewige Vatter

hat